



ГОВЬСҮМБЭР АЙМГИЙН ЗАСАГ ДАРГЫН АЛБАН ДААЛГАВАР

2017 оны 11 сарын 08 өдөр

Дугаар 03

Чойр

Г

Сахилга хариуцлага, дэг журмыг чангатгах тухай

Шударга, ил тод хариуцлагатай төрийн албыг төлөвшүүлж, төрийн бүх шатны байгууллагад ажлын хариуцлага, сахилга, дэг журмыг чангатгах зорилгоор аймгийн Засаг даргаас дараах албан даалгаврыг өгч байна.

1. Аймгийн Засаг даргын харьяа агентлагийн дарга, сумдын Засаг дарга, орон нутгийн өмчит үйлдвэрийн газруудын дарга нарт:

1.1. Иргэнд ээлтэй хуулийн засаглалыг бэхжүүлэх: Төрийн бүх шатны албан хаагчид шударга ёс, хууль дээдлэх зарчим баримтлан, төрийн албан хаагчийн ёс зүйн хэм хэмжээг чанд сахин, улс төрөөс ангид, мэргэжлийн өндөр мэдлэг, ур чадвартай ажиллах

1.2. Авлигын хяналтын сайжруулах: Төрийн албыг хувийн ашиг сонирхлын хэрэгсэл болгох оролдлогыг тухай бүр таслан зогсоож, авлига, хээл хахуул, хүнд суртал, шударга бус байдалтай тууштай тэмцэх, соён гэгээрүүлэх арга хэмжээ авах

1.3. Иргэдээ сонсож, төрийн албаны хариуцлагыг өндөржүүлэх: Аймгийн “Иргэдэд үйлчлэх төв”-д иргэдээс ирүүлсэн өргөдөл, гомдлыг шуурхай нягтлан шалгаж, асуудлыг шийдвэрлэн дутагдал гаргасан холбогдох албан тушаалтанд тухай бүр хариуцлага тооцож ажиллах

1.4. Төрийн албаны үр ашгийг сайжруулах: Ажилтан, албан хаагчдын цаг ашиглалт, ажлын бүтээмжийг сайжруулах, үүрэгт ажлаа чанартай, үр дүнтэй хийж гүйцэтгэх, ажлын байрны дэг журмыг чанд сахих:

1.5. Бодлогын тогтвортой байдлыг хангах: Төрийн бодлогын залгамж чанар, тогтвортой байдлыг хангаж, төрийн албан хаагчдыг тогтвэр суурьшилтай ажиллуулах, төрийн мэргэшсэн албыг төлөвшүүлэх:

1.6. Албан тушаалтны сахилга, хариуцлагыг өндөржүүлж, аливаа ажил, асуудлыг цаг алдалгүй шуурхай зохион байгуулж гүйцэтгэлийн явц, үр дүнд тавих хяналтыг сайжруулан хүлээлгэх хариуцлагыг чангатгаж, төрийн албаны стандартыг мөрдүүлж ажиллах;

1.7. Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах, хууль тогтоомжид заасан лиценз болон бусад тусгай зөвшөөрөл, газар олгох ажлыг нийтэд ил тод, нээлттэй болгон зохион байгуулж ажиллах;

1.8. Төсвийн сахилга батыг сайжруулж, үр ашиггүй зардлыг багасган, батлагдсан төсөвт багтаан зарцуулж, төсвийг хэтрүүлэхгүй байх;

1.9. Төрийн албаны тухай хууль тогтоомж, дүрэм, журмыг хэрэгжүүлж, төрийн байгууллагын ил тод, нээлттэй байдлыг хангах, сайн засаглалыг бэхжүүлэн иргэд, аж ахуйн нэгжид төрийн үйлчилгээ үзүүлэхдээ хүнд суртал, чирэгдэл, ёс зүйн доголдол гаргахгүй байх;

1.10. Хууль тогтоомж зөрчсөн, зөрчил, дутагдал гаргасан, ажлаа цалгардуулсан албан тушаалтанд холбогдох хуулийн дагуу тухай бүр нь хариуцлага тооцож, зохих байгууллага, албан тушаалтанд мэдээлж байх;

1.11. Удирдлага, ажилтнуудын үр дүнгийн болон хөдөлмөрийн гэрээг хагас, бүтэн жилээр дүгнэж, гүйцэтгэлийн үр дүнг урамшуулал, хариуцлагатай холбож ажиллах.

2. Нутгийн өөрөө удирдах болон нутгийн захиргааны бүх шатны байгууллагын ажлын уялдаа холбоог сайжруулж, төрөөс иргэдэд үзүүлэх үйлчилгээг нэг цэгийн үйлчилгээгээр дамжуулан хуулийн хүрээнд хүртээмжтэй, шуурхай, чирэгдэлгүй зохион байгуулахыг даалгаж байна.

3. Албан даалгаврын хэрэгжилтийг хагас, бүтэн жилээр дүгнэж тайлангаа 06-р сарын 25, 12-р сарын 25-ны дотор ирүүлж ажиллахыг сумдын Засаг дарга, агентлаг, Орон нутгийн өмчтэй үйлдвэрийн газрын дарга нарт үүрэг болгож байна.

